

永新縣志卷之五

賜進士出身資善大夫南京禮部尙書致仕邑洞麓耄史尹臺輯

賜同進士出身文林郎知永新縣事嘉定龔錫爵校

人物下第十

忠節
文學

義烈
隱逸

孝友
寓賢

儒行
列女

忠節

匡賀泰前縣令憑之子也唐末黃巢之亂主帥檄泰將兵扞金陵適賊自關陝乘勝攻剽南下泝江將入廣泰提金陵兵反趨洪州邀擊之大戰象牙潭賊佯退頃之復麾兵夾攻泰挺身對陳賊不敢逼後以饒信諸郡縣竝陷遂力竭斃於軍洪人德

永新縣志卷之五

一

之封墓江口廟祀焉詔贈武翼大夫

采左譽登紹定五年進士授復州景陵尉蒞任未幾遭虜兵大至城陷譽被執不屈母妻暨子凡十三人同日遇害事聞詔祠於岳陽賜額閔忠特贈承事郎誥詞褒其忠比之唐張巡焉未有岳陽立廟視睢陽無異之語其烈可概見矣後加贈員外郎官其嗣

彭震龍字雷可文信國女弟之夫性跌宕喜功名信國起兵勤王補宣教郎帶行大社令知永新縣事信國空坑之敗震龍遯歸郡邑望風摧陷震龍

乃結邑人張履翁顏思理及諸豪室歃血倡義興復信國自嶺海引師出江西聲勢復振多震龍之功未幾復敗震龍等猶城守誓弗下宋叛將劉槃引元兵襲攻弗支城竟陷震龍罵槃不屈被害而城因以屠今從祀大忠祠

張履翁世居城東文信國署爲學士院檢閱文字糾族募兵與震龍思理歃血盟城以應勤王之師所親諷之曰脫不勝如禍延九族何履翁曰吾世受宋恩願一死報之耳後城陷被執不屈死之嘉靖閒族裔喬以其事白御史上奏 詔從祀文信

永新縣志卷之五

二

公祠

蕭燾夫與兄敬夫並文信公幕客燾夫爲詩有豪俊氣信國起兵補爲從事郎及震龍履翁輩謀興復燾夫力贊之其後城不守兄弟皆死劉槃之難

〔元〕姚正叔元季兵亂正叔集義兵保障後四年乙未紅巾寇大至一門父叔子弟並死之

賀仲英清塘人慷慨好義至正末湖北盜侵邑境仲英以保障鄉閭功補義兵巡檢未幾湖南尙獠乘亂復來攻城仲英率其從子德慶德新與戰大敗之賊忿合他寇并勢逼城仲英曰不掃其巢城

終不可守也遂賈勇深入戰死於閭溪從子理安追賊奪骸而歸

戴宗濂字冽夫元廬陵簿母老棄官歸養時紅巾寇起宗濂糾義旅捍鄉社高皇帝定江南聞其名召至京授以官不屈謫修都城死金陵後其子孫多仕顯邑令陸粲傳其事謂其死與昔鄭君不聽漢祖更籍名同義乃其後貴盛亦畧與鄭君等天於忠義之報固有意哉人以爲知言

義烈

五代劉景洪晉安成大守遐之後家富樂施予冬

永新縣志卷之五

三

月稻不時刈曰以資鳥雀寒凍食山林縱旁近民樵採曰貧者禁之則艱爨初楊行密攻吉州僞刺史彭玕屬景洪以兵脅永新使附湖南景洪佯許之玕奔湖南景洪竟以州歸行密民得免禍難徐溫建國禮聘景洪辭不赴嘗曰吾解二國之兵活人多矣子孫其有興乎名其北山曰後隆年九十卒子煦事南唐爲殿直都虞侯歸宋官宣政院承旨歷三世至沆入相景洪與子煦孫素並贈官中書令

宋曾裕性倣儻好義熙寧閒邑大饑散緡錢給濟

無算明年復爲糜於道以飼苧者鄰壤乞飼輩日
萬計所全活多不可殫舉安撫使劉瑾檄邑上聞
欲先旌之爲眾勸裕嘆曰吾豈幸災鬻名者哉元
豐末吏治逋苛甚扞獄繫滿至囚拘徧逆旅裕盱
夕食飲之亦閒得其代輸以出免遠近懷德焉
樊資深字逢源少遊汴問學於司馬文正公皇祐
初中拔萃異科授潞州別駕致歸里潺爲人剛介
博通經史周恤嫻族鄉有貧無食死無棺者畢力
濟助之

張翬字友奐紹興初邑盜俶擾詔遣觀察使李貴

永新縣志卷之五

四

討之召翬爲嚮導積功補散官乾道八年江西大
旱翬獻粟助賑不受賞帥臣以聞授閣門祇候差
任本州兵馬都監賜璽書褒嘉比以漢卜式秩至
武義郎翬樂施予居鄉造橋梁磴道路費以億萬
計從子鋼登第著績聞

文周字次莊初爲京庠弟子後奮身武衛捕盜有
收復郡縣功授成忠郎江淮節度判官陞處制使
子進淳熙中任寶錄檢討

元劉綸字子綸琚字子琚同父昆弟也蚤自樹立
見義勇爲無少回撓至正壬辰兵起淮甸蔓延江

南西諸郡山藪之氓相誘脅爲盜綸琚脅謀出貲募勇敢率家僮雜行伍分屯要害列狀白府府檄綸同知本州事屯大沙琚以廬陵尹屯西江市安成寇猝至綸率眾殲之幾盡城賴以全大沙當永新孔道綸擒倡亂者斬首以徇水陸由是獲通西江市據安成廬陵要衝盜出沒伺間奔突得琚一時靖息邑小塢坑有逆奴謀其主之產盡主室之人殺之惟一孫獲免琚捕而磔之梟諸市梏其渠以獻之府惡黨因是大惕息遠近安堵明年殘盜復乘峒寇出騷因肆劫無忌琚復捕戮之陳其尸

永新縣志卷之五

五

境上田野并靖甲午大饑民有囊金珠易斗粟不可得者窶餓立就斃琚悉發其廩賑之室人交謫弗顧也府使至境上立賞格捕賊邏卒欲冒賞至縛治麥之農數輩爲俘將就戮琚閱其非辜抗辭立辨釋之是時琚兄弟方以定輯一方爲己任會江西失守諸郡縣相次陷沒兄弟度勢不可支綸徙避廬陵琚歸匿上麓山中督耕織以足衣食絕口不一言時事矣

大明尹堅字潮春修幹多力元末兵亂從豪帥據贛州授兵馬指揮開平常忠武之下江西也兵始

成列潮春卽乘高飛鉅石超傷忠武頰翌日城降潮春匿不敢出忠武搜得之召慰曰好男子當如是畱置幕下還朝獻之上命武士四輩與角技力皆不及乃以爲殿直將軍外國貢名馬號撞倒山奚官近之輒人立莫敢鞚上以命潮春乃立市樓使人引馬過其下自提囊沙四百斤下壓之徐施鞍勒馬因以馴調從大兵攻燕京執長刀突陣兩手分擒元金符二將啣刀躍馬而馳元兵辟易莫敢近以功累官至武畧將軍祥符衛鎮撫誥詞稱其克襄陽於上流拔秦鄭之重地及淮而

永新縣志卷之五

六

戡定諸州取吳興討姑蘇復從北伐定山東州郡恢汴洛封疆潼華咸歸功勤斯著其勇畧可槩見矣

耄史曰余少從鄉老長游聞其談往代興衰之故未嘗不慨然於君臣之際也嗟乎忠義出人之性有如必食上祿而後思死其事則君臣之倫敦久矣今觀邑所稱諸忠義士獨左譽僅任一景陵尉差有封疆之寄餘多田隴倔起之人耳豈忠義顧在草野不在朝著邪無亦君臣之倫締人心不可以易地解也往聞宋社將屋邑八族從震龍起義

上報宋德於溘危之日至駢首甘夷滅不悔此寧
有要納於後先者乃劉槃任宋制帥受寵恩蒙眷
託非常一旦叛君降狄忍爲宋逆賊突引寇兵屠
陷其宗邑幾亡噍類著罪通天欲比八姓之狗彘
得乎余是以特附論左方使後世存永鑒焉

孝友

唐張志字信道其父好仙志甫生卽棄家歷游諸
名山冀有所遇久之竟卒嶺表志時方七齡訃聞
號慟弗已要所親徒步三千里奉父喪以歸葬閭
里驚異因呼其所居之中洲爲孝子里

永新縣志卷之五

七

顏詡魯公後少孤事繼母以孝聞兄弟聚居一門
千指治家嚴肅男女異行少長無失序季父據里
人桑起訟邑令以聞詡詡出己緡償之惇行友恭
中外睦輯所居賓客常盈座詡欸應一無懈色雖
沖孺亦爲之束帶盡敬手書博奕論以戒子弟之
荒於學者從子儼登淳化第今平原搗石諸顏皆
其後云

宋吳瓘字伯玉唐史臣兢之裔祖爲邑簿因家縣
南連岡族大繁衍瓘善睦輯之時以孝弟稱蘇軾
薦入史局後除徐州通判卒

歐陽杲字彥昭性純孝侍父疾數月衣不解帶藥必親嘗乃進試隆興特科受全州錄事

彭千里字時舉生四歲而孤每聞母語其父事輒號慟欲絕母年八十餘事之曲極誠孝既沒負土成墳周文忠公爲文表之邑令張大正傳其事以子龜年貴封承務郎

譚觀光字元賓性至孝居喪廬墓有白兔白鹿之祥後登政和八年進士弟紹先學先竝以孝稱紹先字顯仲幼通敏嗜學事繼母如其所生母前夫之子來歸紹先分貲畀之友愛無間同產荒歲

永新縣志卷之五

八

有棄子於道者爲收飼之迨豐乃還其父母脫人於厄卻其謝人稱長者

學先字信仲幼孤事兄如父始終不少懈嘗出貸賑歲饑輸藥以救癘疫人多賴活又售邑西隙地爲蒿里以子煥貴封文林郎

周平一字正寬其先吉水人靖康俶擾避地邑勝鄉家焉淳熙乙未特科迪功郎奉嶽祠平一事親至孝邑士劉明老輩敘其孝行將聞郡請旌於朝平一力止之

段雲甫嘉祐閒以明經授衡州儒學正居母喪三

年未嘗見齒後居父喪亦如之祭葬率循古禮邑人以爲難

劉應誠字信道家窶甚形家或勸其改墓應誠泣曰寧窶死忍震坏土徼福邪居亡何朱草產塋畔以子明老貴贈朝散郎

劉鑑字光國性至孝父公權以哭親喪明光國侍几杖三十年亡少懈父没勺水不入口者七日殯葬不違禮以子洙貴贈宣教郎

江文卿端平閒母病革不可療文卿剗股和藥以進病隨愈邑令以聞表其門

永新縣志卷之五

九

元劉格喪父哀慟執古制旣葬廬墓側朝夕悲號饑寒不自恤邑士閔其志題所居廬曰懸思今所居稱懸思里

湯德明五歲喪父元末僞相周安據永新天兵下邑德明同母劉氏隨軍入袁州指揮韋富家富調守遼東德明從行遂失母所在旦夕號慟顛禱富憐之乃資遣俾還袁州袁人無識者歸永新問知母依親調鳳陽比至所親又調護衛北平乃復徒步追求竟得焉母子不相見三十年德明迄全其養劉年八十五乃卒邑人士爲詩文傳其事

天明左興兒暮之後也祖文郁任高郵河泊官永樂中爲民以負魚課錢徵詣京師邁疾醫療罔效興兒刲股以進病隨愈事聞 詔旌表門閭復其家

尹相字德輔童子時選肄學宮久之棄去卷其學教誨鄉閭所至必勉以倫誼人多信從之性篤孝撫諸弟白首無間言中歲自築室以居悉推父產讓諸弟或諷其非遺後計笑弗應弟有失僮僕者捐己貲買僕婢給其使後僕死弟嫁其婢私納直終弗問踰壯喪室迄老不更娶里人舉爲處兄弟

永新縣志卷之五

十

夫婦法嘗夜涉澗水有巨蟒適下澗束纏其足相仰天默祝蟒忽自解去人以爲有陰感焉以孫臺貴贈吏部侍郎

李巒字民秀性端方事父母至孝能以行誼表率其族里人竝尊信之有不善惟恐其或知也迨病鄉人竝持牲酒爲禱於神卒之日莫不悼痛稱其善至今不衰

劉安炎村人幼失恃祖母鞠之及病湯藥供治更久不少懈比劇刲股入饌以進病隨愈督學趙先生嘉獎之邑令陸侯粲爲造其門致旌扁焉

儒行

唐龍況字景荀其先鉅鹿人祖庚天佑中任茶陵令況穎敏博貫經史爲時名儒唐光啟閒鄉舉龍紀閒任大理評事居官仁廉歿遇異僧卜葬義山鹽堆子五人咸以科名顯邑號鹽堆龍云

宋彭進龍字子龍精修厲學粹然有德君子也蚤業詞賦晚深於易屢試國子學從遊甚眾所成造名士多不可勝舉一時推明宿焉

賀弁字德成幼慕聖賢學時二程子過廬陵弁先往受業其慕尙卓偉矣尤工詩郡人祀之詩人堂

永新縣志卷之五

十一

後舉祀郡鄉賢祠

張湘博學善古文尤精易學晦菴先生嘗扁其齋曰玩易所著有易解行世

大明賀守約字約束博學好古隱居不仕元末遺老彫謝其以古學爲鄉邑倡者約束耳學者傾嚮之洪武初薦授邑學教諭後改光山學致其事歸約束詩尤贍麗人士至今傳誦之

龍同仁字子元舉元至正鄉舉明興遂隱遯不仕洪武戊午縣令烏斯道重其行學薦之朝授邑學訓導觀其所薦之賢而其人抑可知已

劉端字國正少孝友既長刻意厲行博涉經史每
試必先諸士與兄瑞並廩庠有聲甫艾卽退隱遂
以經學教授鄉邑名士多所成造性方嚴不輕假
人辭色門人學子衣冠弗肅弗敢見時邑老宿張
度陳瓚與端爲同時友並以行學著稱後生憚敬
之端乏嗣尙書尹臺其外孫也特祀之於家云
左收字宏用少嗜學慕修古行比貢京師適逆瑾
擅柄廷試四維五術收對策正言無所避授丹陽
訓導舉士之能孝者諷有司旌之事繼母撫異母
弟曲極孝友鄉閭誦焉收族孫元勳幼孤力學以

永新縣志卷之五

十二

選貢拜宣平令調邵武教授迪士亦有身教之稱
尹爽字用晦少重遲年十七忽自奮曰不學何名
爲人閉戶深研易理泛及諸史百家燁然有聲時
儕中督學邵文莊公一見所試文稱爲國士命校
白鹿書院經籍憲使沈公銳求士爲子師聞其名
特以賓禮迎聘居亡何力求歸沈贈以詩有浩懷
磊落官天地之句一時藩臬加禮重後貢京授吳
縣學訓導士游其門者咸知所嚮往嘗坐諸生柳
下指喻進學之方門人懷之作教思亭以識不忘
給事陸公粲爲記稱比召伯之甘棠焉起躄改訓

杭於潛學同官有携家後至者畏其舍多崇爽以己舍易之士服其正所著有竹莊集以子臺貴贈吏部侍郎有司舉祀郡邑鄉賢祠長子奎奎字崇文幼聰敏爲文力追古法澹然不以世務嬰心嘗率家族舉鄉約興禮教俗變一新以貢授吳江學訓導申教約嚴課程逾年領鄉薦者九人陞教諭諸暨正身率士一如在吳江日邑令有設屏於先師廟門過輿不下趨者奎嘆曰惡勞廢禮豈示民以敬乎立使人徹之尋卒講廡門人私謚爲醇德先生

永新縣志卷之五

十三

顏應時字時行性剛介而篤孝友母病吮痰弗瘳哭之至咯血事兄甚敬伯父死理喪償其負撫遺孤如同產以貢授常熟學訓導師範尊嚴士心歸服有石壁遺稿藏之家子鑰

鑰字子啓以鄉薦授山東茌平學教諭在士鮮聞學鑰誘以治心理性之方遠近翕從擢新城知縣弛賦緩刑蝗不爲灾改枝江賑饑平獄民愈悅服後歸與弟鑄日以講學善俗相厲勗嘗捐餼直脫同產於獄分俸給諸從昆弟之乏缺者人稱其有完行焉

賀世采字義卿少受學於鄒文莊公守益公異其穎敏授以所聞於陽明先生者誦服之終身舉鄉任下邳守清介自勵既歸民追懷之蚤失怙事母甚孝五弟咸其所鞠撫成立迄白首友愛不衰所著有景流錄義山莊集

文學

五代胡元龜少廉介有俊才嘗過邑宰宰見其風貌瓌偉欲窮所學指屏閒戲珠龍索詠元龜立成有翻身騰白浪撇瓜攫明珠之句意蓋有所諷也宰大愧服後射策入官授文思房副使

永新縣志卷之五

十四

宋何晝少讀書廬山白鹿洞初習進士業試南唐屢黜乃渡江謁宋祖陳所爲書二十卷開寶壬申登第官至鳳翔觀察推官以文學有聞於時張庠字陞卿博通經史嘗著斥蠹正言書以排佛老作元經圖以推五行六運之祕時名儒鄭獬吳處厚錢明逸輩皆師事之號白雲先生江暉字彥明事母稱孝好學工詩宣和中以八行舉自號轅陽居士有詩集傳世

朱次雲字少游問學該博通五經尤長於聲律以詩著名江湖閒領淳熙丁酉鄉薦仕爲梧州法曹

所著有東谷樵唱

吳鄴宋末兵亂避仇轉徙山西改姓名張應珍自號義山先生示不忘故也註周易宗程朱而不爲苟同如參天兩地而倚數鄴以爲本義天圓地方圓者一而圍三三各一奇方者二而圍四四合二耦似費擬議蓋五生數之中天數一三五凡參地數二四凡兩故聖人參兩之以倚數八卦之象乾坤天地以大虛言之也震巽天地之長男女爲雷風有氣無形坎離天地之中男女爲水火有形無質艮兌天地之少男女爲山澤有質確定矣其說

永新縣志卷之五

十五

頗有據元駙馬都尉高唐郡王闊里吉思嘗從之質疑爲刻其書於平陽路且序其里居爲詳書今藏秘閣

〔元〕賀仲善少慕學好文游麟洲水窻二先生之門元至正丙戌授兗州路儒學正適兵亂不及之官隱居青原山中著文詩自娛水窻作綱目書法於仲善所論說多采焉慨吉郡詩人堂圯因以其舊宅建之

龍雲從字子高元末任福建儒學副提舉後竟隱不出性曠達邑守將俞茂禮延之與雲陽李祁同

列上賓祁文爲時所重而子高以詩詞稱盛惜今多無傳矣

樊端可字正夫少從麟洲龍仁夫遊爲人曠達不羈書過目輒成誦工詩歌句法清逸麟洲嘉嘆之龍子高與交善恆曰正夫吾畏友也

天明陳宗舜字材民元至正進士授贛州路儒學教授入國朝典江西文衡洪武中與考會試賜宴殿庭所得多名賢若解學士縉其一也晚家吉水文學爲遠近尊敬

楊瑋字季真博通五經性狷介四明烏斯道宰邑

永新縣志卷之五

十六

以文學自任獨於季真加禮重時延請質疑季真素屏跡公門獨爲斯道屈人兩賢之瑋於星經地志尤所精究嘗取尺紙作廣輪圖山川曲折郡邑遠近如指諸掌入以古今圖牒較之無少異云張同字祖年登進士授南京刑部主事歷員外郎中爲人豪曠不羈宦不求達而善古文辭尤長於詩所著有岫雲稿

劉時字本升登成化十一年進士歷官兵部郎中致歸殫心著述文多奇思詩效西崑有介石集人士往往誦傳之

胡錦輅字大載少工詩善行楷爲人倣儻有高況
不爲世塵所滓垢領鄉薦入國學祭酒劉公震校
其文加賞嘆仕爲右府都事卒子玉領鄉薦除許
州學正
徐慶衍字子芳少穎敏與兄慶鍾以所學自相師
友慶衍正德丙子鄉薦授知涇安縣政通民宜起
黜補貴池適章聖皇太后梓宮南祔過境慶衍
行烈日中辦應致疾不起士民如失怙恃慶鍾晚
好吟游情棋酒閒不撓外累年九十餘乃卒
隱逸

永新縣志卷之五

十七

采曾若川字巨澤紹興閒以書領江西鄉薦退隱
不仕徵五經名儒開義學以延四方材俊前後來
學者近千人所成名士甚眾

龍仁仲字德長自少俊邁倔出強記博覽築舍義
山下日與鄉老宿觴詠其閒外事了不相涉善詩
有義山樵唱若干卷

張熾字仁叔通經史敦行誼始舉鄉睹時事日非
卽退隱東山與劉友益胡幼黃輩爲詩文交邑大
夫閒以政事往質匿弗見所相與非深知鮮覲其
面時語曰南國無威鳳東山有卧龍

文公行字正道性軒豁以詩領瀋祐癸卯漕舉隱居固塘不出雅以詩酒自娛信國過邑省族爲扁其堂曰六義貽之以詩子六人並有聞於時

〔元〕陳煥章字春成一字宗周禾山沙田人明蔡氏書累舉不第隱居白雲峯下絕意進取與吳莘樂湛碧虛爲詩友所著有白雲集雲陽李祁序其人品甚高爲一時所景重學者稱古春先生

宋禮字伯循早孤撫其弟友愛元季兵亂雖在奔竄流離中未嘗一日廢問學 大明平定天下隱居不出閒從劉雲章游談說理奧至忘寢食作東

永新縣志卷之五

十八

齋秀溪之上邑大夫政有疑難必往諮決性剛果不妄交人有非輒面斥之多爲眾所憚然亦鮮不心服之

天明段所字原中性峭直高朗善詩居山中鑿池架屋日吟詠自適其閒人稱舫軒先生所著有鷺股集龍心源序之摘其露冷銅盤秋色老天際銀河一絲小之句謂可追李長吉遺調云

龍汝能字禹成少歷艱屯敦行孝友邑屢召賓飲辭以疾劉石潭劉木菴素慎許可獨嘉汝能高致爲傳贊擬以魯申公而稱其不懈先評事之風今

僉事遂乃其玄孫也

甘彥字士美公亮父也幼孤依兄居稍長分授父
產多寡無所問教士鄉閭先德行而後文藝故出
其門者多知嚮往子亮既貴布素無改於平時
按邑後先名哲得君行志顯功名於日月之際若
列傳所載焯焯矣中間遭時多故捐軀赴變志行
皦然著穹壤臨大節不可奪也此其難不加列傳
數等乎次之扶義俶儻施所能以救邦邑危患抑
毅然烈丈夫事哉其可使之泯滅無述與孝友生
人大紀平世所篤修固亂世出之爲忠節義烈者

永新縣志卷之五

十九

也履蹈之以成儒行推考之以稱文學非所謂同
條共貫者邪若夫隱居求志不一辱降於去就間
詩所詠衡泌之賢又孔氏所甚錄予者志是以并
序列焉將使邑士民因得所誦式不可廣訓勸於
不匱也夫

耄史曰余覽郡邑舊志參以校士所近纂續考推
諸先民行事自忠節至孝友尙論其世科別之以
傳久遠顧僅特書其大者不若列傳之不一書也
要之據實不敢少誣焉爾乃余先二世孝友篤行
灼灼邑人士耳目所撰次亦祇從眾述微志隱事

弗敢以綴附於虜三復茲編蓋至流涕掩卷不可
讀者屢已尙能措一辭其閒也邪

寓賢

唐姚崇字元之陝州硤石人唐宰相世傳元之父
嘗宦蜀中元之從母寓邑畱不去少讀書禾山甘
露寺及元陽觀故寺有其祠而觀側讀書臺墨池
之蹟至今尙存又縣北十里有聰明泉或稱元之
嘗舍泉畔又有姚母塚在舊學左十五步

牛僧孺字思黯涇州鶉觚人世傳思黯祖仕唐爲
幕職自交廣罷歸至郴衡閒爲寇所掠惟思黯母

永新縣志卷之五

二十

子獲存遂築舍依姚相故址以居母終葬才德鄉
大學里元和初隨計長安以賢良對策居上第累
官至宰相

論曰永新稱相鄉舊矣獨唐二相寓迹世多疑史
傳缺載而硤石鶉觚去邑數千里而遙不宜游迹
之有及也意舊志殆流俗之軼傳與余不謂然史
載大臣事多據其子孫家狀參之當時所述記二
相微時履涉子孫家狀必多所諱列矧非其平生
最繫重者史何用殫載焉余考姚傳元之父善懿
貞觀時任嵩州都督嵩在蜀西南極壤諸番夷徼

道所交也陝去之既遠舟車固艱達守將受邊陲
重寄當貞觀嚴辨之朝安敢不以家自隨姚所居
在陝近郊浮河沂江取道入嵩爲順顧上阻洞庭
三峽之險人情所憚避幸其時永新省併於太和
風氣曠僻無郵傳往來之擾擇是以安家室使上
不疑而下便音聞之達計莫有善焉者其後元之
以孝敬挽郎應下筆成章舉所學殆先成於我邑
已今諸讀書遺蹟往往而存抑奚軼傳之足疑邪
或言嵩眊永新絕遠惡睹音聞之便達也夫嵩介
蜀上游蹕舟日可數百里自荆舍舟而塗不再旬

永新縣志卷之五

二十一

卽至我邑比反嵩則取道荆夔以入也險阨亦非
南鄭劍棧之比古今人計度不可千歲坐測乎乃
若思黯郴衡遇盜推舊志尤當無譌史稱思黯祖
紹父幼簡皆宦卑則道出交廣之遠脫患而得茲
土暫安卽前修故址寓居因景企以大成其學抑
可占思黯之志望遠已事豈爲失實者然則二墓
果姚牛之遺以彼貴勢權力豈不能遂遷之往歸
邪余考姚傳元之爲鳳閣侍郎時嘗以母老乞解
職侍養則今所稱姚母墳者似或元之諸母所殯
藏道遠墓可無徙邑重其人故久識之弗泯耳若

牛母墓在才德鄉大據山川勝秀往聞其隧碑故
存歲久頽沒深谿漁者猶能指識其處塚傍故有
牛氏之居宋牛宏宰邑嘗自序稱爲思黯族閒閱
牛氏所藏譜云與其家系牒合則思黯去永新卽
擢登制科遺母墓弗徙而畱其支裔守之事殆確
然足信據矣抑宋劉相沆嘗有四百年中三出相
之詠其傳固昭灼古今本不足置辯以時惑久未
解故因詳著之使得覽稽焉

蕭直汴州人世傳唐會昌閒以功封永新縣侯晚
遂家焉子昕咸通閒任大理評事孫拱光啓初亦

永新縣志卷之五

二十二

任大理評事三傳至儼中南唐童科官大理卿
尹濯汴州人仕唐廣明閒爲平南將軍累功封鄱
陽侯黃巢入廣詔改廣州刺史以靖其亂巢平畱
鎮洪州居洗馬池朱温代唐旣據汴而江南復久
亂濯耻事異姓遂避地永新家焉没葬縣治西二
百步縣人思其德立祠墓前祀之祠今廢爲城隍
廟裔孫尙書臺率族眾治墓改祠墓北子孫世修
饗焉

張翊京兆人唐光化初授官番禺尉時劉氏據交
廣因棄官來居邑中翊善屬文嘗撰二妃廟紫陽

觀及新興佛閣碑甚爲人所稱傳後對策入第授武騎尉弟惟彬中童科擢廬陵令

張德廣名釵青州人唐天復閒授節度推官承討僞刺史彭玕方營寨壘玕卽奔馬殷以功封開國男監永新官滿因家之卒葬勝業鄉之金鼇山數傳至孫翬鋼衣冠接盛煇遇明堂恩賜帶邑遂稱爲御帶張家

甘廷珪先世由豐城徙建昌登宋紹興五年進士僉判吉州因家永新之逢橋今其子孫多振顯

元李祁字一初茶陵人元統初舉進士第二人任

永新縣志卷之五

二十三

元翰林供奉婺源同知遷浙江儒學副提舉後更亂遂避地永新上麓山中隱居不自號危行老人千戶俞茂閒延致事以師禮經生學子執業問難日接武於庭性恬淡不以物累自撻每遇佳山水輒散步臨眺忘歸意泊如也洪武初卒有雲陽希蘧等集行世

列女

五代吳媛唐史臣兢之後歸段氏生子期月而夫卒年二十二父母兄弟憐其少皆欲嫁之媛引釵刺目乃止教子迄至成立韓熙載使江西錄其節

以聞之朝

采顏氏詡姊段鵠之母也寡居耿介嚴肅鵠才學有聞皆母所訓勵邑人嚴重之

譚烈婦趙氏宋宗室女也德祐末江南既入元永新獨城守不下宋叛帥劉槃引元兵破城趙抱其嬰兒舉家匿邑校大成殿中爲叛兵所執殺其舅姑及夫脅趙使從己不可臨之以刃曰從則生否則死趙罵曰我良家子寧從舅姑與夫死耳豈從爾狗鼠輩生邪遂與嬰兒同遇害血漬殿兩楹八磚閒爲婦人抱嬰兒狀磨以沙石不滅復煨以熾

永新縣志卷之五

二十四

炭狀益顯入我明事聞詔立貞烈祠春秋邑長吏蒞祀事

元龍氏左幼白妻年十九幼白爲江西廣洋庫使至元丁丑從元兵攻廣海卒於軍龍氏出貲託親黨迎幼白柩歸葬翦髮誓孀守居喪時嘗折海榴置靈几瓶中旬日枯卉復生因植之庭日長茂翰林承旨歐陽玄爲書榴萱字扁堂楣有司以聞詔旌其閭

李氏浯塘彭九萬妻至正壬辰紅巾寇亂省椽陳允中辟九萬行軍鎮撫九萬馳牒上官嚴設方畧

待之李趣具食勞軍戰大捷寇退居民安堵明年十月湖北五溪苗獠詭辭助順突入城焚掠死者相枕籍李及其子友諒女秀瑛俱被執驅之行不從脅以白刃罵曰狗彘吾死則死耳豈汝從遂母子並遇害

李氏危元真妻年甫二十元真卒李誓守不貳夫家受富人財逼之嫁李引刃欲自殺乃止生一女朝夕共績紡以供食後嫁其女積贏錢萬餘緡建南平石橋

天明劉氏棠市江繼文妻繼文娶劉三年卒子玉
永新縣志卷之五 二十五

琳生始八月劉守節撫玉琳長勉以學後擢進士有司以聞 詔表其閭年八十餘卒學士楊士奇暨在朝薦紳大夫皆頌以詩知州柯暹撰貞節碑兩經燹變碑獨不燬隆慶間碑後宛然露婦人狀後嗣怪而磨之不泯久益顯又有劉氏東里周禮妻亡年

無二十嗣龍氏亡樟年楓二劉十攸三妻夫湯氏亡貢年士二劉十陬六妻夫李氏樟規母劉夫亡年知縣十孔李李氏亡年印賀二十一妻夫朱氏

千戶年二萬十六妻夫劉氏兄李受人聘欲強之二十一誓守其無子死此七人者有司先後以聞 詔皆旌表其閭光顯矣其未旌者復有歐陽氏二十餘人焉

歐陽氏適李宗輔年二十而宗輔死無子矢節不
貳夫家貧靡依乃歸與弟姪居育弟之子以終老
族中婦有寡者皆慕效其節多至十數人婦勤苦
自給後搏餘財以修譚烈婦祠及赤欄橋
陳氏廬陵故族其父儀爲太守自邑之任過棠市
劉氏以陳許聘其子持陳氏年十八歸焉時持久
痿痺不能成昏禮陳竭力扶持越六歲持卒誓無
更志母給之反舍徐諷曰汝猶未字女也奈何欲
效人爲節守耶隣有勢家子密通媒間使老媪伺
陳意而未敢宣也陳逆虞有他遂乘夜攜二婢走
永新縣志卷之五 二十六

河涘取簪環募舟西反計不得舟則自沉耳適遇
持鄉舟至乃夜左道避偏岸追者不能得竟脫歸
自是閉處一室雖家子弟亦罕覲其面矣陳貌昂
整類偉丈夫然每見男子衣物輒嘔噦不能勝歲
遇夫忌哀哭如始喪日比老猶然年八十六乃卒
又有楊氏仰山劉文安公子劉龍氏劉編修子二傳
十左氏仰山劉稠妻教論宏戴氏環溪尹希重妻
戴嘗御史敷饋金帛旌其志吳氏莊原龍洪有遺夫
劉都御史敷饋金帛旌其志吳氏莊原龍洪有遺夫
腹顧氏東里廩生張楷妻夫湯氏袍陂年張綱妻李
氏市田彭槩妻夫曠氏樟梲劉臣妻夫朱氏沙

妻夫亡年賀氏厚田周潘氏夫亡年效賀守節其御
史大陽歌詠其事王氏達二鏡遭家難守節甚苦劉氏
一文當道下有清司歲夫亡年獎之十龍氏樟亡年慶芳妻
賜子當道嘗譚氏朱建吳氏夫亡年賀二鑾十尹氏西城
李二妻夫亡史氏龍瑞妻夫亡賀氏彭溥妻夫亡
此二十一人者雖未被褒旌之典然其節固照耀
人耳目世共稱敬靡聞然者也中若歐陽氏之惇
婺孑立化行族黨陳氏之淬身處女危險不易志
卒皆自振皦白皦然完其節於薏棘中殆古今所
難及矣

永新縣志卷之五

二十七

論曰詩首國風詠述女婦行事詳已自二南化微
末流所及難言焉中間以節行稱柏舟之外蓋無
聞至遭亂世能毅然自決於危變尤不一二概見
夫致命遂志固烈丈夫之偉事而可求之閨闈笄
輦之人與茲邑自吳媛釵目誓義事載前史三百
年後乃有譚氏婦其烈與岷嶺王氏相炳耀天顯
厥迹於禮殿之楹使之扶世教不泯故其死未幾
彭九萬之妻復崑崑傳烈聲乃後邑境之以節著
揚者多至數十輩儼盛殆過於詩書之世豈非天
常在人心不以古今或異其興起之固存乎人邪

彼衣冠秀凡民乃或甘棄節義若弁髦曾女婦之不少若覽是亦可少愧矣哉

雜志第十一

災變釋

古蹟城

臺榭

宅墓

災變宋咸淳十年甲戌正月乙卯朔有氣如虹霓起城東江水中橫貫一邑須臾作錦紋五色狀覆蓋郭四門亡何胡元之師壓境叛賊劉槃引兵陷城諸勤王大姓悉屠滅

大明嘉靖十二年癸巳秋天西北羣星隕如雨時余

年尙少憶有詩云前夜羣星隕如雨攬槍仍十六射邊城旄後果有大同諸邊之變久始靖

年丁酉夏大水城內浸深丈餘廬舍多漂没十九

永新縣志卷之五

二十八

年庚子大水二十三年甲辰大旱疫二十四年乙

巳大饑道殣相望三十年辛亥秋邑惠愛樓災三

十一年壬子秋八月文廟災四十年辛酉歲大

饑明年壬戌春大水甲子春大水漂廬舍四十五

年丙寅春大饑十月大雷雹西北星隕如雨其色

青隆慶元年丁卯冬邑訛言選官詔且至民

間男女未冠笄者一時婚嫁殆盡此似前漢時王

母唱籌之妖矣萬歷五年丁丑秋閏八月天雨

小黑實視之乃藟薪實也近人數邑皆然占云天雨

紀勝

按春秋書災不及祥示戒也郡邑舊志故無災變之紀咸淳之異乃特載之宋史中今考入以示天戒而取近歲邑中耳目所共睹聞事附列焉亦庶幾春秋之遺義也夫

舌蹟城永新縣故城在縣西閭築隋三省十五里相傳吳寶

廢城廣興縣故城在縣西八十里南平州故城在縣西二十里

按古今志郡境並無廣興縣名隋改泰和縣為南平州其壤亦不在永新治內二城殊不可考詳必世傳之謬今姑存其名焉蓋舊志所列載而城蹟尙未泯夷故不敢直削去之云爾

永新縣志卷之五 二十九

臺榭讀書臺在縣西八十里姚書堂嶺半即今上元八

花臺在縣北今世傳無五代時聰明臺在縣北十里劉楚

公父素廢鳳凰臺在縣北濠池至宋因梅玘遺築址相

尙存八角臺在縣治東無人和豐樓邵朴建初縣令

今歲廢義興文閣在舊廟學後宋中今柴新學閣後仍舊名修

尙知縣尹錫爵之鼎記建三相堂在舊禾祀寺右宋二僧

侍及宋劉楚公者蓋三公祠廢而堂游其地也宋琴亭在

西八里地近亭之嶺世傳姚相玉嘗琳有息撫聚喜

亭在縣外亭臨江人咸喜彭老因大作亭識之侯彭智

仁亭在舊學志詳候僊亭在縣西惠三政十去後宋侯思彭老

其作來亭因以名候八磚亭禮在殿舊右學楹今血譚影烈也婦前新令祠馮後符即建故

之今榜令曰龔八錫爵亭復新環溪亭尹在臺建士以里便行道人傍憇尙息書

空月亭通在判今林東春山澤寺左扁僧懸非焉空建搗石十在里縣平北原四

司村馬廣時四行尺部長嘗倍過之其地瑩撫黛此相石傳愛唐而顏魯公謂為可吉搗州

公衣裔試者扣竊其徙聲不果里清許雷今雨更忽千作年乃土置花之不去蝕其後子有孫冒

稱居搗平石原顏者多云三根樹公在裔縣顏西八居十里地溶樹湖三村株唐鼎魯

坐立十上數至人丈歷餘七乃百合餘歲一茂其仍下故可眠竹相在傳縣宋北隱二士都

覆曾篠庭竹堅寢遇其方上外既人覺話其玄人於已去地竹久眠之生各至倦今思云卧遂

墨莊過在境縣上西時六十富里人龍劉田景宋暉出武粟穆餉提兵兵一討日楊武么

字穆遺多之其今義墨大蹟書猶此存二

永新縣志卷之五

宅墓唐二相寓宅賢並鄉在近後隆山思劉楚公宅隆在山後

母前子世復傳求唐姚姚故相地嘗居焉築此讀書臺牛其相上至柳宋遭劉寇楚難

母公夫父人素忽乃夢即衣故冠址丈築夫臺稱曰牛聰明公而來宅遂其生下楚後公楚蓋公

今三名相其皆鄉興曰於相此鄉地云故至唐鄱陽侯尹濯寓宅西在二縣

侯百遺步德侯遂遭葬唐侯末宅大後亂而避以地寓之居故地新建祠祀焉人今感

裔祠乃廢改為祠城隍廟北後侯刺史張鋼宅中在洲縣之東橫三江里胡

幼黃宅西在門縣外城水窻先生劉友益宅香在城城壩西三馮

宅十在步縣雙治西巷八石潭先生劉髦宅山在下縣即北五文里安仰

生公處所馬王墳傳在五縣北時四馬十殷里祖鍾溪焉不然詳殷所之自先出世

傳出於誤邑邪也今豈姑以存其名於使湖後南之地人相考焉而姚母墓縣在

東三十五步 牛相國母夫人墓 在縣西南三十里

舊學前左 數折而衛出曲澗流波縈迴 鄱陽侯尹濯墓 在侯寓宅

如侍衛出曲澗流波縈迴 鄱陽侯尹濯墓 在侯寓宅

數折而衛出曲澗流波縈迴 鄱陽侯尹濯墓 在侯寓宅

築裔孫道立書臺 為縣令賀憑墓 在縣西大理卿蕭儼

墓 在下禾張德廣墓 距縣南十里張治有詩 金劉楚

公沆墓 在縣北七里呂惠卿撰詩碑 神顏詡墓 在縣北

八都刺史張鋼墓 在章穎北撰神道碑 益公潞大創菴

温塘 刺史張鋼墓 在章穎北撰神道碑 益公潞大創菴

墓前名鹽堆龍沉墓 在義山下 劉文安公定之墓

曰淨覺 鹽堆龍沉墓 在義山下 劉文安公定之墓

在縣北五里吏部尚書彭時撰神道碑 兵左都御

部尚書商輅撰墓表成化戊子奉勅營建

史劉敷墓 在義山奉天嶺下宏治

僊釋唐匡智長安人貞觀閒棄妻子與姪大郎並

入廬山修煉居七日有老人謂曰此陰地僊不可

得南有名山陽地也盍往歸之指導其行至吉州

望見義山神復化為樵夫引示曰此中甚安妥遂

立壇修持積數年忽有僊衣下降智服之雲冉冉

起足下逡巡上昇而去大郎後亦為地僊今義山

南華峯下有僊人龕僊人床諸蹟殆其所居地云
宋無名道者不知何許人紹興閒有建龍華道會
於邑中者時集雲遊士五百餘眾獨一道者坐化
道壇中示偈云萬里雲歸洞千山水向東玉爐香
冷處煙散碧霞中

蕭禪師邑手力也嘗往慶雲寺夜宿聞鄰壁有相語者云院主明日欲煮我飼蕭手力爾恁地自照管莫着鷹鷂狐狸打卻蕭起窺乃一鶩對小鶩作人語耳蕭異之旦朝寺僧果欲殺鶩食手力蕭因求免乞鶩自歸養後出家得法與鶩同昇化鶩化事甚

幻怪然考茶陵志亦及此
豈地近故其傳相襲邪

慈雲禪師未詳何許人通梵慧遊方至吉州聞水香曰此上有聖菩提可立錫乃尋沿上流得今名阿育塔山者掬水飲之曰我此休矣遂依磨箭嶺結庵居焉日潔志焚誦不怠後傳其昇化今上山

永新縣志卷之五

三十二

庵乃故址云

葦航長老邑尊勝院僧也戒律精嚴嘗撰金山九朝齋科緇流誦傳之宋末峒獠燔劫鄉邑殺人盈城野葦航卽城西東嶽廟建佛事以追拔兵死者其日天花晝雨枯井涌甘泉豎旛廟後高嶺人因稱爲旛竿嶺後院廢其手錄科文藏他家遭燹鄉人於瓦礫中見厚土覆一書開視乃其文也隻字未損今藏牛田尹氏

元僧天如邑西亭鄉人幼辭俗祝髮入禾山後遊吳虎丘得中峯宗指精究禪微禾山僧遣其孫徒

迎之天如曰彼中自有打鼓人矣遂不歸善詞賦
與海內名流翰墨相訊靡不重其超詣所著有楞
嚴會解淨土或問天如集雲陽李提舉祁臨川危
學士素序之其集今藏在府經歷尹重民家
文道士月堂戒行堅忍性好酒醉則陽罵隱語人
莫能測稱爲文顛凡祈禱晴雨立應後結庵東華
山修煉年八十餘卒
僧無詰出家東山寺性明悟精禪學兼涉儒書工
詩嘗學寫蘭於吳虎丘之雪窻僧其揮灑變態不
啻過焉

永新縣志卷之五

三十三

天明道士楊玉溪住東華山性朴澹獨嗜酒夷曠
自放於老氏書多通究名士咸樂與之游
僧非空王姓元名醫東野孫也祝髮東山師事無
詰謹戒律善詩歌行草有晉人法學士解公與交
善往來東山不計年禮敬無少衰所著有翠微集

今錄其自題

像贊一首

這般模樣不須火燒這些丹

卻人我山貼地都放下有院不會住怕殺東堂罵
有寶波斯不知價七八十年做甚麼從前盡說謊
尋常有證佐奪一個無人清氣不知過禪不有參曲不平

歌須彌唱
空和

賀處玄字冲微結菴龔山修煉精符訣以治疾
祈

禱輒應善吟咏工楷書士大夫多樂與游段不已
爲作冲微高士傳

受峯師白下棲霞寺僧也隆慶初高峯菴僧法明
迎至師事之深究禪旨精修力持老不怠其律戒
時近菴諸村苦鹿兕踐田禾師嘿存驅麾農賴以
有穫萬歷乙亥秋中忽命其徒曰吾翌午欲西遊
矣取水沐浴更衣趺坐微笑而化年八十有九云
女釋宋賀氏永新人嫁同邑江安行有二子旣寡
卽不茹葷日誦圓覺經不少輟或勸更誦他經賀
氏曰要知真性本圓本覺出此卽非佛義我非專

永新縣志卷之五

三十四

誦經者聊寄心耳後子楹登第爲賀州僉判迎母
至官所賀氏忽語其婦曰吾誦經了無夢想近夜
常見瑞光中有貌坐欲昇之未果今閉目便見此
相矣其歲五月沐浴更衣翌旦食罷盥漱忽收足
端坐兩中指結印瞑目而逝家人倉皇召醫已無
及矣郡守范直清帥其屬瞻禮嘆曰大丈夫不能
如此令畫工寫其像惟目睛未點乃禱曰精神全
在阿堵中願賜開示俄兩目燁然子孫扶視皆謂
未死頃間復瞑時年七十七矣雱彥濟記其事
工伎元王東野邑高塚人少精方脉嘗註本草經

兼工詩詠人有疾輒往醫之不責其報任大醫院
御醫故虞文靖公伯生揭文安公傒斯趙文敏公
子昂咸與之交焉

東野醫學後傳邑名醫
曠世儼之高祖處良

唐開元中有內人許和子者本吉州永新樂籍女
也既美且慧開元末選入宮上卽以永新名之首
隸宜春院妙於歌曲能變新聲入古調自韓娥李
延年沒千餘歲曠無繼者至永新始以其能名世
遇高秋朗月臺殿清虛喉嚨二聲響傳九陌明皇
嘗獨召李謨吹笛倚其歌至曲終管裂其妙如此
一日賜大酺於勤政樓觀者數千萬眾誼譁聚語

永新縣志卷之五

三十五

魚龍百戲之音莫聞上怒欲罷宴中官高力士奏
請命永新出樓一歌誼必可止上從之永新乃舉
步揚袂迴奏曼聲少頃廣場寂若無人懽者聞之
氣勇愁者聞之腸絕洎漁陽之亂六宮星散永新
爲一士人所有韋青避地廣陵憑闌河上忽聞舟
中奏水調曲者青曰此殆永新音也乃登舟與對
泣久之青始亦祕其事後士人卒與其母之京師
竟沒於風塵中及絕謂其母曰阿母錢樹子倒矣

出唐樂
府雜錄

逸事 唐天寶八年冬十月山人王元翼上言嘗見

玄元皇帝示言永新梅田山下有寶僊聖洞中藏
妙寶真符上詔庭臣張均輩祠求之山有寶僊聖
洞之名始此

宋劉楚公生時近村出紫霧氣氤氳三日不絕人
至今呼其地爲紫霧原

楚公生七八歲自題其所居室壁云虎生三歲便
窺牛獵食寧能掉尾求年少不攀青桂去也須從
伴赤松游其幼小志氣超異矣

宋仁宗命楚公使契丹虜館伴使餞之郊口徐詠
云有酒如澠綰行人而不駐楚公卽應聲曰在北

永新縣志卷之五

三十六

曰狄吹出塞以何妨蓋虜以澠比繩戲公而公以
狄爲笛應之抑可稱神捷矣未幾虜使報聘愬南
使語不遜仁宗爲出楚公於外而心實多之

宋末隱士陳森翁築眞隱亭於冷泉巖掘地得劍
有鏤文詩末二語云男兒慷慨平生事時獨挑燈
把劍看下書大元二字莫詳所謂未幾胡元入主
中夏其讖兆蓋先見焉

馮魯山少時市故書於肆中得遺琲珠數十求其
人歸之又嘗有友人繫獄罪當死乃爲之出數萬
緡得活終不自名一錢人服其義

水窻劉先生宋末將赴省試夜忽見天若有崩裂狀歎曰天下事不可爲矣遂反歸道遇神卒挾一冊問所如往卒曰吾奉上帝命攝諸應死者出手冊示之冊首卽先生名下註三刀下死神卒曰吾視若乃善士爲若改下爲不遂去無迹先生自是避山中一日出往邑城遇元兵猝至死者狼籍道路先生乃伏匿亂屍中被賊斫三刀幸未絕脛得善藥越夕始蘇人咸謂天活焉

劉槃之祖公權光國仍世相繼以孝聞父洙兄槩亦廉勤振聲一時槃始用武起家其敗布憐吉拒

永新縣志卷之五

三十七

荅合赤及禦搭卒於襄樊間人方交壯其能超知岳州度宗召對御前大期以非常尋擢制帥任用軼出等倫乃一旦時移事改逆節橫著無復人理夷陷宗邑屠滅忠族有古今大盜所不忍爲者父兄數世禮教斬絕蔑無遺存矣夫朱五經之子爲溫柳下季之弟爲跖人性近而習遠豈恒道之可推哉覽善惡於興亡之際吾安得不爲槃大哀也夫

解春雨學士作西游集序稱其友康以寧吉之永新人洪武甲子舉進士爲太平府推官謫居橫浦

二十年每歲稔其迎送序述及他文詩爲斯集期以考今昔問學之得失焉末乃重美以寧有得於邑先輩吳莘樂先生之遺緒故其文不求工而自工可以追昔廬陵諸名賢之盛夫以春雨震凌一代之奇才而以寧乃得與之爲友卽所推獎云者其人豈易及哉進士肇科於洪武辛亥中間禁不開十又三年至甲子議復其典而以寧幸褻然拔升於其時所遭遇亦殊特已乃郡邑諸志繇不一登載并其科名湮泯之何與今永新非獨不知有以寧抑且并康姓無聞傳矣

或稱康氏世居邑屏山下以寧卽其地產

永新縣志卷之五

三十八

云今讀春雨之文甚悲之因歎志所遺缺非一事而此其尤甚者耳

按洪武甲子更制鄉試乙丑會試解云甲子必并鄉會書之耳

劉石潭先生所居近官道且偶出得遺金數十先生坐竢其人至以歸之其人磕首謝願分半遺先生先生峻卻之時先生方甚食貧乃一介不輕取如此人固卽小可觀其大云

劉文安公母夫人畱氏邑虎溪田家女也始石潭先生年三十餘弗嗣余高王父帥正翁與先生故友善因勉以副室計先生曰吾亦念是久矣奈何帥正翁曰虎溪田家畱媪有三女長者年及笄矣

而尙未有聘者先生頷之翁歸乃謀之高王母劉夫人旦日高王母託通家相好故期會先生之適室楊夫人於虎溪密約夫人袖釵環爲女聘而勿令其媪知之至則已有陰泄之者矣媪長女遂先匿後山松樾中弗可召高王母乃躡語楊夫人曰今所見次者雖差少然固甚俊拔解人意取聘移之不可乎楊夫人深然之高王母乃起執次女袂曰吾固知若福女也卽以釵環強加焉踰年遂生文安公後畱氏累被封褒四子二女並貴顯出入禁闈享其榮盛數十年年近九十乃卒福女之云

永新縣志卷之五

三十九

豈虛哉初村有玉女祠自畱生而祠圯不可復葺人謂非偶然之故者今小說妄載先生納水漂女重誣先正所自出不可無辨故特詳著之

往正統景泰間北陞旣絳禍閩粵復數興兵事四方兼繁水旱盜賊之憂於是 詔所在民出粟應上有輸多至二千餘石者署以郎散秩 賜璽書褒異之次亦榮之冠服稱義民焉時吾永新之民則有賀祈年劉彥武李希勉汪英德胡子圭輩皆以上例特膺 綸獎加署秩次爲冠帶義民者且數十人舉一僻邑而天下可知已夫當國難薦棘

之時一時嚮義之盛如此而民之富厚固亦緣是
可知知已所謂百姓足而君無不足茲非其明效
大驗歟

嘉靖閒舊學一夕大雷雨文廟災邑中士大夫以
時學科方屢乏重有此變學不容無遷而未知所
卜擇數歲尙書臺以南祭酒還省掃始議定今址
先是客有過宿學鄰汪潛家者夢門外巋有所建
問之曰此五聖賢堂也客晨起賀潛曰君家殆有
興乎爲書飛白大字遺之旣學宮遷而其夢乃益
播人耳始知五聖賢固非夫子及四配莫可當也

永新縣志卷之五

四十

事先定豈偶然也哉

今禮殿及興
私土助成之

文閣址潛嘗捐

芮子忠素以義顯學宮圯忠曰余得効力宮墻瞑
目矣畢晝與夜浹月廟貌隆然邑長學師曰異人
也除夕遊市上拾數十金候其人於市夜分不歸
失者號而至挈還之遠近呼爲義癡年九十五卒
人以爲德壽云